

## تعلیم دربارهٔ دعا

۱ انا روز عیسی در مکانی دعا کرده. وقتی ونه دعا تموم بییه، آتا از شاگردون وره بائوته: «ای سرور ما دعا ها کارنده ره به اما یاد هاده، همونجور که یحیی به شه شاگردون یاد هادا.»<sup>۲</sup> ویشونه بائوته، «وقتی دعا کاننی بایرین: «ای پی پر که آسمون دله دَری ته نوم مقدس بوئه، پادشاهی ته بی‌یه. ۳ نون روزانه ما ره هر روز به اما عطا هاکان. ۴ گناهون ما ره ببخش، اینسه که اما هم تموم اونایی ره که به اما گناه کانه بخشیمی. و اما ره در آزمایش نیار.»

۵ بعد ویشونه بائوته: «کدوم تایه شما که آتا رفق دانه، و شو سَری بوره و وره بایره: (ای رفق سه تا نون داننی مه ره قرض حادی<sup>۶</sup> اینسه که آتا از مه رفتهها سفر جه بییموهه، و هیچ چی ندارمبه تا ونه جلو بیلم.)<sup>۷</sup> و وه سیره دلجه جواب هاده: (مه ره زحمت نده. در قفل هسه و مه وچه‌ها مه پلی بخاتنه. نتومبه شه جاجه راست بوهم و هیچ چی تره حادم.)<sup>۸</sup> شما ره گامبه اگه به‌خاطر شه رفق راست نَوشه و وره نون نده به خاطر سماجتِ و راست وونه و هر چی نیاز دانّه و ره دنه. ۹ «پس شما ره گامبه، خداجه بخواهین که شما ره هادا وونه بگردین که پدا کاننی؛ در بزنین که دَر شیمسته از وونه. ۱۰ اینسه که هرکی بخواهه، به‌دست یاننه؛ و هرکی بگرده، پدا کانده؛ و هرکی دَر بزنه، در ونسته از وونه. ۱۱ کدوم آتا از شیمه پیرون، اگه ونه ریکا ونجه ماهی بخواهه وره مَر دنه ۱۲ یا اگه میرغانه بخواهه وره عقرب دنه؟<sup>۱۳</sup> اِسّا اگه شما با تموم بدذاتی دوننی که باید شه وچه‌ها ره خاره هدیه حادین، چنده ویشتر شیمه پی پر خِدا شه روح قدوس ره به هرکی ونجه بخواهه عطا کانده.»

## عیسی و روح شریر

۱۴ عیسی دیوی لال ره از انا نفر بیرون کرده. وقتی دیو بیرون بورده مردِ لال بتونسته صحبت هاکانه و مردم تعجب ها کارنده. ۱۵ اما بعضی بائوته: «و دیوها ره به‌کمک شیطون، رئیس دیوها، بیرون کانده.»<sup>۱۶</sup> دیگرگون به‌منظور آزمایش ها کاردن و، ونجه بخاسته نشان آسمانی ویشونسته بییاره. ۱۷ ویشونه فکرها ره درک ها کارده و ویشونه بائوته: هر حکومتی که بر ضد خودش راست بووشه نابود وُنه و هر خانواده‌ای که بر ضد خودشون قیام هاکانند از هم پاشیده وُنه. ۱۸ اگه شیطون هم بر ضد خودش راست بووشه چجوری ونه حکومت پابرجا موندنه؟ اینا ره بخاطر این گامبه که ادعا

کاننی دیوها ره بهکمک شیطون بیرون کامبه. ۱۹ اگه من بهکمک شیطون دیوها ره بیرون کامبه، شیمه شاگردون بهکمک کی اوناره بیرون کانه؟ پس ویشون شه شیمه ره محکوم کانه. ۲۰ و اما اگه من بهقدرت خِدا دیوها ره بیرون کامبه اطمینان بدونین که پادشاهی خِدا الان دَر میونه شیمه دَره. ۲۱ هروقت آتا مرد نیرومند و مسلح شه سیره جه نگهبانی کانه، ونه اموال در امان دَره. ۲۲ اما وقتی اتا نفر قویتر از وِر حمله ها کانه و وِر حریف بُووه، سلاحی ره که اون مردی وِر توکل کارده ره ونجه گِئنه، و غنیمت ره تقسیم کانه. ۲۳ هرکی با من نی ره بر ضد من هسته و هرکی مِره یاری نکانه، خرابی به بار یانه.

۲۴ عیسی ادامه هادا و بائوته، «زمانی که روح ناپاک از کسی بیرون شوئه، روح پلید بهجاهای خِشک و بی آب و علف شوئه تا جایی برای استراحت پدا ها کانه، اما وقتی نَتونده جایی پدا ها کانه شه پلی گانه: (به سیره ای که اونجه جه بییمومه، بر گردمبه). ۲۵ اما وقتی به اونجه رسینه و سیره ره تر و تمیز وینده ۲۶ شوئه و هفت روح شه جه بدتر ره هِم یانه، و همگی داخل ووننه و اونجه سکونت گِرنه. در نتیجه، آخر سر اون نفر حال بدتر از اول وونه.»

۲۷ اون زمان که عیسی این حرفها ره گاته، آتا زنا از میونه مردم با صدای پلند بائوته: «خوشیحال اون زنی که ته ره به دنیا بیارده و ته ره شیر هادا.» ۲۸ اما عیسی در جواب بائوته: «خوشیحال اونا که کلام خِدا ره اِشناننه و اونا ره انجام دِنه.»

### نشونه یونس پیغمبر

۲۹ وقتی بر تعداد مردم زیاد بَییه عیسی بائوته: اینتا نسل، نسلی بس شرارت پیشه هسه. میجه نشونه خانه! اما هیچ نشونه ای ویشونه هادا نَوونه جز نشونه یونس پیغمبر. ۳۰ اینسه که هَمونجور که یونس پیغمبر نشونه ای بی یه برای مردم نینوا، انسان ریکا هِم برای این نسل نشونه ای وونه. ۳۱ در روز جزا ملکه سبا با مردمه این نسل، مرده هاجه راست وونه و ویشونه محکوم کانه، اینسه که اون وِر دنیاچه بییمو تا حکمت سلیمان پیغمبر ره بشنوهه، و اِسا کسی گتتر از سلیمان پیغمبر اینجه دَره. ۳۲ مردم نینوا در روز جزا با این نسل مرده هاجه راست وونه و ویشونه محکوم کانه، اینسه که اونا در اثر موعظه یونس پیغمبر توبه ها کاردنه و اِسا کسی گتتر از یونس پیغمبر اینجه دَره.

### چراغ بدن

۳۳ عیسی ادامه هاداهه و بائوته، «هیچکس چراغ ره روشن نکانه تا اون ره پنهن ها کانه یا زیر کاسه ای بیله، بلکه چراغ ره پینه چراغدون دله تا هر کی دله اِنه ونه نور ره بُوینه. ۳۴ ته چش ته چراغ بدن هسه. اگه ته چش سالم بوئه تموم ته وجود روشن وونه. اما اگه ته چش نوینه تموم ته وجود ره تاریکی گِئنه. ۳۵ پس هوشیار بَش نوری که در ته دَره، فکر نکان روشنایی، شاید تاریکی بوئه. ۳۶ اگر

تمومه ته وجود روشن بوئه و هيچ جایی از اون تاریک نووئه، اون لحظه مثل زمانی که نور چراغ بر ته تابنه، تموم دَر روشن کانده.»

### سرزنش رهبرون مذهبی

۳۷ وقتی عیسی شه حرفها ره تموم هاکارده، آتا از فریسیون و ره برای بخاردنه غذا شه سیره دعوت هاکارده. پس بورده ونه سیره وسفره سر هینیشته. ۳۸ اما اون فریسی وقتی بدیهه که عیسی شه دسا ره قبل از غذا نشوسته خله تعجب هاکارده. ۳۹ بعد عیسی بر دگر دسته و ره بائوته: شما فریسیون بیرون کاسه و بشقاب ره پاک کانی اما از دله پر از حرص و طمع و شرارت هستینی! ۴۰ ای نادونها، آیا خدای که بیرون ره بیافرینیه، دله ره هم نیافرینیه؟ ۴۱ از اونچه دارینی به فقیرون صدقه حادین تا همه چیز شمیسته پاک بووه.

۴۲ وای بر شما ای فریسیون! شما از نعناع و تره و همه نوع سبزی ده یک دنی، اما عدالت ره نادیده گرنی و از محبت خدا غافلینی. باید اینها ره انجام دانی و اوناره هم از یاد نوردنی. ۴۳ «وای بر شما ای فریسیون! اینسه که دوست دارینی در بهترین جای کنیسه هینشین و مردم در کوچه و بازار شما ره سیلام هاکانن. ۴۴ وای بر شما! اینسته که قبرهایی ره موندنی که نام و نشون ندارینی و مردم ندونسته اونارو راه شوننه.»

۴۵ آتا از فقیهون در جواب بائوته: «استا ته با این حرفها به اما هم توهین کاندی.» ۴۶ عیسی بائوته: «وای بر شما، ای فقیهون، که تکلیفهای سنگین مردم دوش پلینی اما شه حاضر نینی حتی شه انگشت کمک هاکاردنسته تکون حادین. ۴۷ وای بر شما که پیغمبرونسته که شیمه اجداد دست کشته بیینه مقبره سازنی! ۴۸ راستی راستی که این جوری بر کار اونا مهر تأیید زنی. اونا پیامبران ره کاشتنه و شما ویشونسته آرامگاه سازنی. ۴۹ اینسته خدای حکیم گانه که (من ویشونسته پیغمبرون و رسولان رسندمبه. اما بعضی ره کاشتنه و بعضی ره اذیت کانه)، ۵۰ پس خون همه پیغمبرونی که ویشون خون از اول خلقت تا الان دشمنیه بییه، بر گردن این نسل دَره ۵۱ از خون هابیل تا خون زکریا که میون قربانگاه و محراب معبد کشته بییه. آره شما ره گامبه که این نسل برای اینا همه حساب پس دنه. ۵۲ وای بر شما ای فقیهون! اینسه که کلید معرفت ره ده دستی دارینی. نا شه دله شوننی نا اونایی ره که خوانه دله بیهنه راه دنی.»

۵۳ وقتی عیسی بیرون بورده علمای دینیو فریسیون سخت به ضد و راست بیینه و شروع هاکاردنه وره سوال پیچ هاکاردن سؤالهای زیادی ۵۴ و در کمین دینه تا حرفی ونه زبون زیر جه بکشند تا وره گرفتار هاکانند.